



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Explicata sententia Bonifacij, qui ratione peccati regni statum ordinare voluit, & à Rege pœnas ob malam administrationem exigere. Non erat ea mens Innocentij tertij. Gallicana Ecclesia huic ...

urn:nbn:de:hbz:466:1-15591

studiam dedit Aegidio Archiepiscopo Narbonensi, ipsius Metropolitanu. qui eum suscepit, territorio sibi concessu ab Episcopo Silvanectensi, de consensu Archiepiscopi Remensis. Quæ omnia Rex Pontifici per Legatos, è quorum numero unus erat Petrus Flotta, renuntiavit; professus, et si liberum sibi fuisse de Confiliis sui sententia in reum animadvertere, maluisse tamen exemplo decefforum rem totam illi significare; à quo contendit ut reum privilegio clericali exueret, debito supplicio facinora sua expiaturum.

III. Excanduit Bonifacius, iussitque reum è custodia seculari eximi, & pontificia tradit, de objectis illi criminibus inquire à Narbonensi Archiepiscopo & Episcopis Biterrensi & Magalonensi, factamque inquisitionem unu cum Episcopo ad se sub tutu custodia mitti. His addidit literas ad Regem contumeliosas, per Archidiaconum Narbonensem Notarium suum perferendas: quæ à Comite Atrebateni coram Rege in ignem conjectæ sunt; ut testantur Ioannes Villanius & ipse Bonifacius, qui ex hac contumelia sedi apostolica illata ait se ad revocanda omnia privilegia eidem Regi, liberis, fratribus, & officialibus indulta, compulsum fuisse. Præterea Episcopis & Capitolis Ecclesiarum cathedralium regni, Magistris in Theologia & in Iure, synodum Romæ indicit ad Calendas Novembres anni sequentis M C C C I I. ut eorum consilio damnis & injuriis quæ Clero, Nobilitati, & Universitatibus à Rege inferuntur, mederi possit, & de reformatione Regis & regni statuere. Formulam quoque alterius epistola ad Regem deferendæ conceperat, qua docebat Regem subesse Ecclesiæ, graviter peccasse Clericos & subditum sibi populum vexando, & licet à sede apostolica frequentibus literis & nuntiis monitum, erratorum curationem neglexisse; in propriis causis jus sibi dicere, nec conqueri apud Pontificem, licet de juribus ecclesiasticis agatur; mutatione monetæ, alisque vexationibus, regno perniciem intulisse; collationes beneficiorum & redditus vacantium Ecclesiarum usurpare; libertatem ecclesiasticam immuniisse, & pleraque alia patrassæ; ob quæ restituenda, ad synodum Episcopos & Doctores Galliæ evocaverit, ut salubrius negotia regni ordinare posset; quò Rex mandatis suis instructos procuratores mitteret; alioqui eorum abuentiam divina replente praesentia, se, prout superna ministratura esset gratia, processurum. Sed epistola ad Regem perlata non est, hoc exemplo; id exigentibus regiis Legatis, ne Philippi animus accende-

retur. Attamen unus ex illis Petrus Flotta summa capita exscriptis, quæ illo epistolio continentur quod hodie sub Bonifacij nomine ad Philippum circumfertur.

IV. Ceterum convocatis totius regni comitiis mense Aprili anni M C C C I I. exposita sunt coram Rege Bonifacij consilia, regnum Francorum sibi temporaliter subesse assertis, & damna à Rege illata regno emendare fatigantis in Concilio eam ob rem à se Romæ indicito. Episcopi & proceres se consilio & ope Regi ad futuros spounerunt in tuendo capite & honore Regis regnique Libertatibus & juribus. Decreta legatio trium Episcoporum, Noviomensis, Constantiensis, & Biterrensis, cum literis ad Pontificem, quibus se novis & inauditis illis verbis quæ regni Francorum libertatem imminuunt, valde perculsos testantur; rogantque ut concordia regni & Ecclesiæ consulens, literas illas tractorias seu synodi evocatorias revocet; quibus Regis regnique majestatem maximè laedi videbant, quod de regni administratione in Concilio disceptandum esset. Philippus quoque brevi quadam epistolio dolorem suum acribus verbis, & fatuus convicio in Bonifacium conjecto, ultus est. Extant in codice manuscripto orationes à Bonifacio & Cardinale Portuensi ad Legatos in Consistorio habita; ex quibus genuina Pontificis sententia colligi potest. Proposito Geneseos illo decreto, *Quod Deus conjunxit homo non separeret*, Bonifacius commendat vinculum caritatis quo regnum Francorum ab ipsis Clodovei primordiis cum Romana sede obstringitur; quod nulla ratione violandum sit. attamen dolo perniciosi & scelerati hominis Petri Flotta falsam epistolam suppositam fuisse; quasi scilicet Pontifex Regi mandasset ut recognosceret regnum ab ipso. Sibi, qui à quadraginta annis in Iure versatus esset, perfectum esse duas protestates à Deo institutas. *Quis ergo deberet vel posset credere, tantam fatuitem, tantam insipientiam fuisse vel esse in capite suo? Protestari se, quod in nullo vellet usurpare jurisdictionem Regis. Regem tamen negare non posse quin esset Pontifici subiectus ratione peccati.* Pluribusque de beneficiis collatione & aliis capitibus locutus, à Concilij indicitione jam facta se non recessurum, sed potius se illam innovere declaravit, *pro bono statu Ecclesiarum, Regis, & regni.* Eodem sensu Cardinalis Portuensi peroravit, vindicata Pontifici potestate de temporalibus quibuscumque judicandi, *ratione peccati;* ita ut *jus temporalis potestatis sit penes Pontificem, usus autem & executio actus penes Reges.*

V. Hinc constat Bonifacium non id
K k ij

*Edicta sunt orationes
neas illæ à clariss.
u. Petro Pareano
in collectaneo *Actuorum de discordia
Bonifacii & Phi-
lippi pag. 77. &c.**

*Extr. Vnam san-
ctam De maijuit.
& obed.*

quidem sibi usurpare ut regnum Francorum ad feudi servitutem demissum , à sede apostolica hominij & fidelitatis nexus pendere diceret. Sed ea subjectione excepta , supremam sibi potestatem in Reges arrogavit , quam magnifica oratione in constitutione *Vnam sanctam expressit*. Nempe sibi liberum putavit , quacunque à Regibus peccarentur , non solum quatenus sunt privati homines , sed etiam in regni administratione , decretis suis corrigeret , & constitutionibus à se latissimum publicum Ecclesiæ , & regni , Concilij in eam rem coacti sententia disponere , contumacisque Reges excommunicationibus & tandem ipsa regni privatione plectere. Quare non erat cur tantopere adversus Flotram conquereretur de falsa sententia sibi afficta in epistolo suppositio his verbis , *Scire te volumus quod in spiritualibus & temporalibus nobis subes* , cum ipse eandem rem profiteretur , ratione quidem peccati , non vero ratione feudi. Innocentius III. hanc distinctionem arripuerat ut ad se cognitionem controversiæ inter Reges Franciæ & Anglia motæ traheret , (de qua diximus lib. 11. cap. 111.) sed ejus regulæ vim ad Regum peccata in subditos & ad regni statum ordinandum non extenderat , quemadmodum Bonifacius. Gallicana Ecclesia per literas ad Bonifacium datas satis significaverat , videri sibi nullatenus ad Pontificem pertinere ut Regis excessus in regni administratione admissos corrigeret. Quare mirum non est , si Philippus consilium suum post redditum Legatorum mutare noluerit , qui constantem in proposito suo Bonifacium re-tulerunt.

V I. Ioannes Monachus Cardinalis , cui legatio ad Regem imposta est , hoc confirmavit , cùm prater ceteras pacis conditiones parum æquas , hanc quoque urgeret , ut evocati ad synodum Galli Romanæ conferre non prohiberentur , & Rex coram Pontifice se fisteret ob Bullas in apostolice sedis contemptum incensas , per procuratorem mandato instructum de parendo Pontificis beneplacitis. Eas conditiones renuente Philippo , Bonifacius in illum excommunicatum protulit : cūjus sententia instrumenta Nicolao Benefacto Archidiacono Constantiensi in Normannia , ejusdem Legati familiari , cūm perforanda in Galliam data essent , accidit ut ille apud Trecas comprehendetur. Custodiæ traditum , Legato pententi ejus liberationem , Rex omnino denegavit. Et statim sibi consulturus , convenit totius regni Parisiis evocavit anno millesimo trecentesimo tertio ; atque interim Legatus nocte intempesta urbe excedens ,

Romanæ se contulit. Ea verò fuit animorum commotio adversus Pontificem , quod regni ordinationem , prætextu peccati emendandi , ad se trahere veller , ut Episcopi & proceres faciles se præbuerint accusationi contra eum delatae , de qua mox dicam. Interim observanda est majorum nostrorum constantia in afferenda regni libertate , quam solo dissensu tuebantur. Guillelmus de Plesseiano , Dominus Vicenobrij , Miles , illique adjuncti Ludovicus Comes Ebroicensis Regis filius , Guido S. Pauli & Ioannes Drocensis Comites , accusationem de crimibus haereseos , schismatis , simonie , & aliis nefandis sceleribus coram Rege & cœtu illo adversus Bonifacium scripto detulerunt ; & in Concilio generali probationem se implenturos profelli , Regem atque Episcopos obsecrare ut congregationi Concilij studio-
fissimam & efficacem operam navarent.

V II. Tum Guillelmus suspectum sibi Bonifacium ob delationem illam testatus , ut se turum ab illius censuris præstaret , futurum Concilium generale appellavit , & futurum Papam catholicum , & sedem apostolicam , & ad illum vel illos ad quem vel ad quos melius provocare debet , sèque fautore. que suos protectioni beatorum Apostolorum Petri & Pauli , sacri Concilij congregandi , futuri Summi Pontificis , & sanctæ sedis Romanæ commisit , ad cantelam. Rex pollicetur se daturum operam congregatio- ni Concilij , salvis in omnibus sacrosancte Ecclesiæ Romane honore & reverentia debitis. Episcopos obsecrat ut huic convocationi intendant ; & ne Bonifacius , *spirituali gladio ab-
tendo* , de facto ad excommunications & interdicta procederet , suo & eorum qui sibi adhærent nomine , generale Concilium & legitimum futurum Summum Pontificem provocat , vel alios ad quem vel ad quos fuerit provocandum. In sententiam Regis itum est ab Episcopis , qui appellatione quoque sibi caverunt. Quas appellations deinde ratas habuerunt ceteri Episcopi & proceres qui conventui non intererant , quemadmodum & reliqua regni Vniversitates.

Hæc omnia distinctè retuli ; ne quis cum vulgo in eum abripiatur errorem , ut existimet Philippum eo animo Concilium provocasse , ut de regni sui statu & majestate in Concilio disceptaretur. Quod enim ad caput illud pertinet , protestatione in contrarium à se & à totius regni conventu edita anno M C C C I I . sibi caverat , & de dignitate sua violata cum Bonifacio per tres Episcopos Ecclesiæ Gallicanæ Legatos expostu-laverat. Quare appellationis ad Concilium occasio inde solum profecta est , quod